

**Aningaasanik ingerlataqarneq pillugu inatsimmik, pappiaqqanik aningaasanik nalilinnik niuernerq il.il. pillugu inatsimmik, akiliinissamut kiffartuussinerit aamma elektronikkikkut aningaasat pillugit inatsimmik aamma inatsisunik allanik assigiinngitsunik allanngineq pillugu inatsit (Unnerluussisuutitaasunut politiinullu paasissutissanik ingerlatitseqqinneq, Det Systemiske Rådimik pilersitsineq, Det Finansielle Virksomhedsrådip aamma Fondsrådip kattugussineri, nalit apparnerini iluanaaruteqarniarneq, akissaqassutsimut piumasaqaatinik atortitsinermut nutaamik pullaveqarneq aamma allanngorartumik ernialersorneqartuni erniat nalingannik nakkutilliinermik pilersitsineq il.il.)**

UAGUT MAGRETHE AAPPAAT, Guutip saammaanneragut Danmarkip Dronningia, nalunaarpugut:

Aningaasanik ingerlataqarneq pillugu inatsimmik, pappiaqqanik aningaasanik nalilinnik niuernerq il.il. pillugu inatsimmik, akiliinissamut kiffartuussinerit aamma elektronikkikkut aningaasat pillugit inatsimmik aamma inatsisunik allanik assigiinngitsunik allanngineq pillugu (Unnerluussisuutitaasunut politiinullu paasissutissanik ingerlatitseqqinneq, Det Systemiske Rådimik pilersitsineq, Det Finansielle Virksomhedsrådip aamma Fondsrådip kattugussineri, nalit apparnerini iluanaaruteqarniarneq, akissaqassutsimut piumasaqaatinik atortitsinermut nutaamik pullaveqarneq aamma allanngorartumik ernialersorneqartuni erniat nalingannik nakkutilliinermik pilersitsineq il.il.) inatsit nr. 1287, 19. december 2012-meersumi § 19<sup>1</sup>-p malitsigisaanik aalajangerneqarpoq:

**§ 1**

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, peqqussut nr. 1047, 1. september 2010-meersukkut, peqqussut nr. 838, 14. august 2012-meersukkut, [inatsit 1553-mut tunngatillugu][inatsit 1556, 21/12 2010-meersumut tunngatillugu][inatsit 456-umut tunngatillugu][inatsit 616-mut tunngatillugu] [inatsit 155-mut tunngatillugu][inatsit 273-mut tunngatillugu][inatsit 1231-mut tunngatillugu] allanngortinneqartumi, imatut allannguisoqarpoq:

1. (Kalaallit Nunaannut atulersinneqanngilaq)
2. Inatsimmi sumiluunniit »Det Finansielle Virksomhedsråd« imatut allanngortinneqarpoq: »Det Finansielle Råd«.
3. § 1, imm. 2-mi, »§ 71, imm. 1, nr. 9, aamma imm. 2,«-p kingorna ikkunneqarpoq: »§ 75,«.
4. § 1-mi imm. 13-ip kingorna immikkoortoq nutaatut ikkunneqarpoq:  
 »Imm. 14. Kapitel 20 d danmarkimi akiligassarsisitsisarfinnut Danmarkimi nunanilu allani allanngorartumik ernialersorneqartuni erniat nalingannik aalajangersaanermi qinigassanngortitseqataasunit atorineqassaaq.«  
 Imm. 14-16 matuma kingorna imm. 15-17-nngorput.
5. § 5, imm. 1-mi, nr. 28-tut ikkunneqarpoq:  
 »28) Allanngorartumik ernialersorneqartuni erniat nalingat:  
 Erniat tamanut saqqummiunneqarsimasut, isumaqatigiissut imaluunniit tamanna pillugu maleruagassat naapertorlugit qinigassanngortitsisut ataasiakkaat attaviitsut arlallit nalunaaruteqarnerat tunuliaqutaralugu formeli atorlugu naatsorsorneqartut, aamma akiligassarsisitsisarfiit akornanni imaluunniit akiligassarsisitsisarfiit taakkulu sullitaasa akornanni ernianik aalajangersaanermik isumaqatigiissutaasumut tunngaviliinissamut siunertaqartoq.«
6. § 39 imm. 8-tut ikkunneqarpoq:  
 »Imm. 8. Imm. 6 aamma 7 suliffeqarfinnut ilanngussaq 7 aamma 8-mi ilaasunut sullissinermik ingerlataqartunit atorineqassanngilaq.«
7. § 75-mi imm. 4-tut ikkunneqarpoq:  
 »Imm. 4. Imm. 1-3 taamaaqataanik aningaasanik ingerlataqarfinnut aamma aningaasanik piginnittutut ingerlataqarfinnut ingerlatseqatigiiffinnut pigineqartunut, aningaasanik ingerlataqarfiusunut naleqqiullugu aamma atorineqassapput.«
8. § 77 a, imm. 1, nr. 6-mi, »§ 225, imm. 1 imaluunniit 3« imatut allanngortinneqarpoq: »§ 225, imm. 1 imaluunniit 4«.
9. § 124, imm. 5-mi, »imm. 2, nr. 1-mi takuneqarsinnaasunit« imatut allanngortinneqarpoq: »imm. 2, nr. 1-mit takuneqarsinnaasunut akissaqassutsimut piumasqaatinut tapiliussatut. Finanstilsyni aamma aningaasaatit qanoq ittut tapiliussamik naammassinnissaannut piumasqaateqarsinnaavoq«.
10. § 125 a, imm. 1-mi, »2010, 2011 aamma 2012« imatut allanngortinneqarpoq: »2010, 2011, 2012 aamma 2013«.
11. § 126, imm. 2, nr. 5, litra a-mi, »57,5 mio. euro« imatut allanngortinneqarpoq: »61,3 mio. euro«.
12. § 126, imm. 2, nr. 5, litra b-mi, »40,3mio. euro« imatut allanngortinneqarpoq: »42,9 mio. euro«.
13. § 126, imm. 2, nr. 6 aamma 8-mi, »3,5 mio. euro« imatut allanngortinneqarpoq: »3,7 mio. euro«.
14. § 126, imm. 2, nr. 7-mi, »2,3 mio. euro« imatut allanngortinneqarpoq: »2,5 mio. euro«.
15. § 126, imm. 2, nr. 9-mi, »3,2 mio. euro« imatut allanngortinneqarpoq: »3,4 mio. euro«.
16. § 126, imm. 2, nr. 10-mi, »1,1 mio. euro« imatut allanngortinneqarpoq: »1,2 mio. euro«.
17. § 144, imm. 1-mi, »§ 225, imm. 1 aamma 3« imatut allanngortinneqarpoq: »§ 225, imm. 1 aamma 4«.
18. (Kalaallit Nunaannut atulersinneqanngilaq)
19. § 205 imatut oqaasertalerneqarpoq:

»§ 205. Aktiatigut ingerlatseqatigiiffiit pillugit inatsimmi, kunngip aalajangersagaatigut Kalaallit Nunaannut atulersinneqartumi, kapitali 15-mi kattunnermut tunngasuni aalajangersakkat pisariaqartutigit naleqqussarneqartut makkunani atorineqarnissaat pillugit maleruagassanik inuussutissarsiornermut siuariatornermullu ministeri aalajangersaasinnaavoq

- 1) sillimmasiisarfinnik ingerlatseqatigiiffiit illugiit kattunneri,
- 2) spare- aamma andelskarsit kattunneri aamma
- 3) sillimmasiisarfinnik ingerlatseqatigiiffiit illugiit imaluunniit spare- aamma andelskarsit aningaasaateqarfimmik ingerlatseqatigiiffimmik kattunneri.«

20. (Kalaallit Nunaannut atulersinneqanngilaq)

21. (Kalaallit Nunaannut atulersinneqanngilaq)

22. § 225, imm. 1-mi, »imm. 4 aamma 5« imatut allannngortinneqarpoq: »imm. 2, 5 aamma 6«.

23. § 225-mi imm. 1-p kingorna immikkoortoq nutaaq ikkunneqarpoq:

»Imm. 2. Aningaaserivik imaluunniit taarsigassarsitsarfik, § 124, imm. 2 imaluunniit 3-mik naammassinnittoq, kisiannili § 124, imm. 5 naapertorlugu ataasiakkaat akissaqassutsikkut piumasaqaataannik naammassinninngitsaq, akissaqassutsikkut piumasaqaat taanna eqqortinniarlugu pisariaqartunik aaqqiinernik pilersitsissaaq. Pisariaqartunik aaqqiinerit Finanstilsynip piffissatut aalajangiussaata sivitsorneqarsinnaasup iluani isumaginissaanut aningaaserivimmu Finanstilsyni peqqusisinnaavoq. Allaniq aaqqiinernik ingerlaavartumik Finanstilsyni aalajangersaasinnaavoq, tamanna pisariaqartutut isigineqarpat. § 124, imm. 5 naapertorlugu ataasiakkaat akissaqassutsikkut piumasaqaatinik naammassinnissaannut imm. 1 malillugu Finanstilsyni piffissamik aalajangersaasinnaavoq, oqaaseqatigiit aappaat aamma pingajuat malillugu aaqqiinerit pisariaqartut aningaaserivimmit isumagineqarsinnaanngippata imm. 1 malillugu akuersissut utertinneqarluni.« Imm. 2-5 matuma kingorna imm. 3-6-nngorput.

24. § 225, imm. 3-mi, imm. 4-nngortumi, »imm. 4 aamma 5« imatut allannngortinneqarpoq: »imm. 5 aamma 6«.

25. § 225, imm. 4 aamma 5-mi, imm. 5 aamma 6-nngortumi, »imm. 1 aamma 3« imatut allannngortinneqarpoq: »imm. 1, 2 aamma 4«.

26. (Kalaallit Nunaannut atulersinneqanngilaq)

27. (Kalaallit Nunaannut atulersinneqanngilaq)

28. (Kalaallit Nunaannut atulersinneqanngilaq)

29. § 256, imm. 4-mi, »§ 259, imm. 1, oqaaseqatigiit siulliit« imatut allannngortinneqarpoq: »§ 258, imm. 1, oqaaseqatigiit siulliit«

30. § 343 r-p kingorna immikkoortoq XI sioqqullugu ikkunneqarpoq:

### »Immikkoortoq X d

#### Det Systemiske Risikoråd

(Tamaat Isigalugu Mianersornartunut Siunnersuisoqatigiit)

Kapitali 20 d

Tamaat Isigalugu Mianersornartunut Siunnersuisoqatigiit

**§ 343 s.** Inuussutissarsiornermut siuariartornermullu ministeri Tamaat Isigalugu Mianersornartunut Siunnersuisoqatigiinnik qulinik ilaasortalimik pilersitsissaaq. Siunnersuisoqatigiit taamaalillutik imatut katitigaassapput:

- 1) ilaasortat marluk Danmarks Nationalbankimit inassutigineqassapput, aappaa ataaseq Danmarks Nationalbankip qullersaqarfiani siulittaasuussalluni. Danmarks Nationalbankip qullersaqarfiani siulittaasoq siunnersuisoqatigiinni siulittaasoqarfimmik isumaginnissaaq.
- 2) ilaasortat marluk Finanstilsynimit inassutigineqassapput.
- 3) ilaasortaq ataaseq Inuussutissarsiornermut Siuariartornermullu ministeriaqarfimmit, Aningaasaqarnermut ministeriaqarfimmit aamma Aningaasanut Nunamullu Namminermit ministeriaqarfimmit tamarmik immikkut inassuteqassapput.
- 4) ilaasortat pingasut Danmarks Nationalbanki tusarniareerlugu Inuussutissarsiornermut Siuariartornermullu ministerimit inassutigineqassapput. Ilaasortat aningaasanut pissutsit pillugit ilisimasaqarlutik immikkut ilisimasaliussapput attaviitsut.

*Imm. 2.* Inuussutissarsiornermut siuariartornermullu ministeri Tamaat Isigalugu Mianersornartunut Siunnersuisoqatigiinni ilaasortanik taakkununga sinniisussanik toqqaassaaq. Ilaasortat ukiut sisamakkaarlugit toqqarneqassapput aamma toqqaqqinneqarsinnaallutik.

*Imm. 3.* Tamaat Isigalugu Mianersornartunut Siunnersuisoqatigiit tassaapput siunnersuisoqatigiit siunnersuisartut, suliassaralugu

- 1) Danmarkimi tamaat isigalugu mianersornartut suunerinik takunnittussat nakkutiginnittussallu,
- 2) tamaat isigalugu aningaasatigut mianersornartut pillugit misissuinermi paasisaqartoqarnerani oqaaseqartarlutik,
- 3) tamaat isigalugu aningaasatigut mianersornartut takkutilerineri pillugu mianersoqqussuteqartarlutik,
- pitsaaliuisunik aningaasanut tunngasuni suliniutit pillugit inassuteqaateqartarlutik, aamma
- 5) Tamat Isigalugit Mianersornartut pillugu Europami Ataatsimiititaliamiit (ESRB) mianersoqqussutit inassuteqaatillu pillugit tusarniarneqartarlutik.

*Imm. 4.* Tamaat Isigalugu Mianersornartunut Siunnersuisoqatigiit imm. 3, nr. 3 aamma 4 naapertorlugu mianersoqqussutaat inassuteqaataallu aallaaviatigut Finanstilsynimut sammitinneqassapput aamma, inatsisinut tunngasuuppata, naalakkersuisunut.

*Imm. 5.* Tamaat Isigalugu Mianersornartunut Siunnersuisoqatigiit nalinginnaasumik amerlanerussuteqarnikkut misissuinermi paasisanik, mianersoqqussutinik inassuteqaatinillu tunniussinissaq pillugu aalajangiisassapput. Taasinerit amerlaqatigiinnerini siulittaasup taasinera aalajangiisuussaaq. Inuussutissarsiornermut Siuariartornermullu ministeriaqarfimmit, Aningaasaqarnermut ministeriaqarfimmit aamma Aningaasanut Nunamullu Namminermit ministeriaqarfimmit sinniisut naalakkersuisunut sammitinneqartunik misissuinermi paasisanut, mianersoqqussutinut inassuteqaatinullu naleqqiullugu taasisinnaatitaanngillat. Naalakkersuisunut sammitinneqartunik siunnersuisoqatigiit misissuinermi paasisanik, mianersoqqussutinik inassuteqaatinillu tunniussitillugit taakku ministeriaqarfiit sinniisuinit oqaaseqaatinik imaqassapput.

*Imm. 6.* Imm. 3, nr. 2-4 naapertorlugu misissuinermi paasisanik, mianersoqqussutinik inassuteqaatinillu tamanut saqqummiunneqassapput. Tamaat Isigalugu Mianersornartunut Siunnersuisoqatigiilli assersuutigalugu aningaasatigut patajaassuseq eqqarsaatigalugu mianersoqqussut imaluunniit inassuteqaat isertuussassaaq pineqartoq, tamanut saqqummiunneqartussaannngitsoq pillugu aalajangiisinnaapput.

*Imm. 7.* Finanstilsyni, ministeriaqarfiit attuumassuteqartut aamma Danmarks Nationalbank paasisutissanik attuumassuteqartunik tunniussinissamut pisussaaffeqarput, tassunga ilanngullugit aningaaseriviit il.il. aalajangersimasut pillugit paasisutissat, aamma siunnersuisoqatigiinnit noqqaasoqarneratigut allagaatinik attuumassuteqartunik il.il. tunniussissallutik, siunnersuisoqatigiit suliassaminik isumaginninnissaannut paasisutissat pisariaqartuusut siunnersuisoqatigiit naliliippata. Danmarks Nationalbanki pillugu inatsimmi § 14 a, imm. 1 aamma 2 naapertorlugu Danmarks Nationalbankip pissarsiarisimasai kisitsitigut paasisutissat isertuussassat, tassunga ilanngullugit inunnut ataasiakkaanut paasisutissat, inuit ataasiakkaat imaluunniit suliffeqarfiit ataasiakkaat kikkuuneri toqqaannartumik imaluunniit toqqaannanngitsumik paasineqarsinnaasut, siunnersuisoqatigiit noqqaanerisigut Danmarks Nationalbankimit siunnersuisoqatigiinnut ingerlateqqinneqarsinnaapput.

*Imm. 8.* Danmarks Nationalbank Tamaat Isigalugu Mianersornartunut Siunnersuisoqatigiinnut allattoqarfiuvoq. Inuussutissarsiornermut Siuariatornermullu ministeriaqarfik, Aningaasaqarnermut ministeriaqarfik aamma Aningaasanut Nunamullu Namminermt ministeriaqarfik aamma Finanstilsyni allattoqarfimmi peqataapput.

*Imm. 9.* Siunnersuisoqatigiinnit inassuteqartoqarneratigut Tamaat Isigalugu Mianersornartunut Siunnersuisoqatigiit suleriaasissaannik inuussutissarsiornermut siuariatornermullu ministeri aalajangersaassaaq.

## **Immikkoortoq X e**

### **Allanngorartumik ernialersorneqartuni erniat nalingannik aalajangersaaneq**

#### Kapitel 20 e

##### *Allanngorartumik ernialersorneqartut erniat nalingannik aalajangersaaneq*

**§ 343 t.** Allanngorartumik ernialersorneqartuni erniat nalingannik aalajangersaanermi aalajangersaanermik toqqammaviusut akiligassarsisitsisarfinnut taakkulu sullitaannut aarlerinangitsuusut qinigassanngortitsisut qulakkiissavaat.

*Imm. 2.* Allanngorartumik ernialersorneqartuni erniat nalingannik qinigassanngortitsisut paasineqarput tassaasut akiligassarsisitsisarfiit nalunaaruteqarnerminni allanngorartumik ernialersorneqartuni erniat nalingannik aalajangersaanermut tapertaasut.

*Imm. 3.* Finanstilsyni allanngorartumik ernialersorneqartuni erniat nalingannik aalajangersaanermik toqqammaviusut aarlerinangitsuunerannik nakkutillivoq, imm. 1 naapertorlugu, tassunga ilanngullugu qinigassanngortitsisut naammattumik najoqqutassaarnerat aamma nakkutilliinerat il.il.

*Imm. 4.* Imm. 3-mi taaneqartoq nakkutillineq pillugu maleruagassanik erseqqinnerusunik Finanstilsyni aalajangersaasinnaavoq, tassunga ilanngullugit uppersaanissamat piumasaqaatit, najoqqutassaliorneq, nakkutilliinerit ingerlanneri, aamma avataaneersunik kukkunersuineq il.il. pillugit.

##### *Nakkutillineq*

**§ 343 u.** Det Europæiske System af Centralbankerimit, Den Europæiske Banktilsynsmyndighedimit, Det Europæiske Råd for Systemiske Risicimit, Den Europæiske Tilsynsmyndighed for Forsikrings- og Arbejdsmarkedspensionsordninginit aamma Den Europæiske Værdipapir- og Markedstilsynsmyndighedimit kiisalu taakkuninnga pilersinneqartut aaqqissugaanernit atugassanik allanngorartumik ernialersorneqartuni erniat nalingannik aalajangersaaneq pillugu § 347, imm. 1-4 malillugu paasissutissanik Finanstilsyni pissarsiniarsinnaavoq, paasissutissanik tiguisussat suliassamik isumaginissaannut taakkuninnga pisariaqartitsippata.«

**31.** § 344, imm. 1, *oqaaseqatigiit pingajuanni.*, »Fondsråditi nakkutillisuvoq Finanstilsyni allatseqarfigalugu« imatut allanngortinneqarpoq: »Finanstilsyni nakkutillivoq«, aamma *oqaaseqatigiit sisamaat* atorunnaarsinneqarluni.

**32.** § 344-mi imm. 4-p kingorna immikkoortoq nutaaq ikkunneqarpoq:

»*Imm. 5.* Suliassamik isumaginninneq aningaasatigut patajaallisaanermik qulakkeerinermt iluaqutaasinnaasumik Finanstilsynimit nalilerneqarpat pisortani oqartussanut, naalagaaffiup suliffiutaanut il.il., akiliisitsinikkut, suliassat ilaannik isumaginninnissaq pillugu Finanstilsyni isumaqatigiissuteqarsinnaavoq.«

Imm. 5 aamma 6 matuma kingorna imm. 6 aamma 7-nngorput.

**33.** § 344, imm. 6, imm. 7-nngortoq, atorunnaarsinneqarpoq, taarsiullugulu ikkunneqarluni:

»*Imm. 7.* Tamanna pillugu EU-mi inatsisitigut maleruagassani aalajangersarneqartut aalajangersakkat naapertorlugit Finanstilsynip suleriaasissaa pillugu maleruagassanik erseqqinnerusunik Inuussutissarsiornermt Siuariatornermullu ministeri aalajangersaasinnaavoq.

*Imm. 8.* Finanstilsyni pisut ilaanni, suliffissuarmi suliffeqarfik piginnittuusooq aningaasanik piginnittutut suliffeqarfiuppat imaluunniit aningaasanik ingerlataqarfiuppat, inatsimmi matumani

imaluunniit inatsit naapertorlugit maleruagassani atulersinneqartuni aalajangersarneqartunik suliffissuarnut aalajangersakkanik saneqqussisinnaavoq, aalajangersakkami pineqartumi suliffissuarmilu ingerlatani siunertat sillimaffigalugit.«

**34. § 345** imatut oqaasertalerneqarpoq:

»§ 345. Inuussutissarsiornermut siuariartormullu ministeri Det Finansielle Rådimi 14-nik ilaasortaqtumik pilersitsissaaq. Siunnersuisoqatigiit imatut katitigaassapput:

- 1) siulittaasoq ataaseq aamma siulittaasup tullia ataaseq taakku arlaaat ataaseq inatsisilerinermik aningaasatigullu paasisimasaqartoq aamma aningaasarsiornermik paasisimasaqartoq.
- 2) ilaasortaqtataaseq atuagarsornikkut naatsorsuuserinermik paasisimasaqartoq.
- 3) ilaasortaqtataaseq aningaasaatinik niuerfimmi pissutsit iluanni atuagarsornikkut paasisimasaqartoq.
- 4) ilaasortaqtataaseq aningaasarsiornermi aningaasatigullu paasisimasaqartoq, Danmarks Nationalbankimit inassutigineqartoq.
- 5) ilaasortat marluk atuisunut pissutsinik immikkut paasisimasaqartut, Forbrugerrådimi aamma Dansk Aktionærforeningimit peqatigiillutik imaluunniit tamarmik immikkut inassutigineqartut.
- 6) ilaasortaqtataaseq suliaqarnermik atuagarsornikkullu naatsorsuuserinermik paasisimasaqartoq, FSR-imit – danskit kukkunersuisunit inassutigineqartoq.
- 7) ilaasortat marluk inuussutissarsiornermik aamma pappiaqqanik aningaasanik nalilinnik atulersitsinermik immikkut paasisimasaqartut, DI-mit, Danmarks Rederiforeningimit, Dansk Erhvervimit, Håndværksrådimi aamma Landbrug & Fødevarimit peqatigiillutik imaluunniit tamarmik immikkut inassutigineqartut.
- 8) ilaasortaqtataaseq illuummik qularnaveeqqusiilluni taarsigassarsitsinermi obligationinik atulersitsinermik immikkut paasisimasaqartoq, Realkreditrådimi aamma Realkreditforeningimit peqatigiillutik imaluunniit tamarmik immikkut inassutigineqartoq.
- 9) ilaasortat marluk aningaaserivinnut tunngasunik aamma pappiaqqanik aningaasanik nalilinnik niuernermik immikkut paasisimasaqartut, Finansrådimi, Den Danske Børsmæglerforeningimit, Den Danske Fondsmæglerforeningimit aamma Investeringsforeningsrådimi peqatigiillutik imaluunniit tamarmik immikkut inassutigineqartut.
- 10) ilaasortaqtataaseq sillimmasiisarfanni pissutsinik immikkut paasisimasalik, Forsikring & Pensionimit, FMF – Forsikringsmæglerforeningimit, Arbejdsmarkedets Tillægspensionimit aamma Lønmodtagernes Dyrtidsfondimit peqatigiillutik imaluunniit tamarmik immikkut inassutigineqartoq.

*Imm. 2.* Det Finansielle Råd

- 1) nakkutilliinermi suliani tunngaviusumik pissuseqartuni aamma nakkutilliinermi suliani aningaasanik ingerlataqarfinnut aamma aningaasanik piginnittutut suliffeqarfinnut annertuumik kinguneqartitsisuni aalajangiisarloq,
- 2) § 347 b, imm. 1 malillugu peqqusineq pillugu suliani aalajangiisarloq,
- 3) nr. 1-mut ilaasunik sulianik politinut paasiniagassanngortitsineq pillugu aalajangiisarloq aamma
- 4) paasissutissiilluni ingerlataqarneranik Finanstilsyni ikiortarlugu aamma maleruagassanik atulersitsinermut atatillugu Finanstilsynimut siunnersuisuulluni.

*Imm. 3.* Siunnersuisoqatigiinnik ilaasortanik ukiut sisamakkarlugit inuussutissarsiornermut siuariartormullu ministeri toqqaassaaq. Ilaasortat toqqaqqinneqarsinnaapput.

*Imm. 4.* Ilaasortanut ataasiakkaanut tamanut sinniisussamik inuussutissarsiornermut siuariartormullu ministeri toqqaassaaq. Ilaasortap pisinnaanginnerani ilaasortaqtata sinnerlugu sinniisooq peqataassaaq. Taamaattorli imm. 1, nr. 6 malillugu inassutigineqartumut ilaasortamut sinniisussanik pingasunik toqqaasoqassaaq. Sinniisussat piffissamut siunnersuisoqatigiinni ilaasortamut pineqartup toqqaaffigisaanut piffissamut naapertuuttumik toqqaarneqassapput.

*Imm. 5.* Imm. 1, nr. 4-8 malillugu toqqaarneqartunut ilaasortanut ataasiakkaanut tamanut immikkut paasisimasaqartunik marlunnik, aamma imm. 1, nr. 9 aamma 10 malillugu toqqaarneqartunut ilaasortanut ataasiakkaanut tamanut immikkut paasisimasaqartunik sisamat tikillugit inuussutissarsiornermut siuariartormullu ministeri toqqaassaaq. Siunnersuisoqatigiit suleriaasiannik aalajangersaanermut atatillugu, imm. 11 naap., suleqatigiiffinnik immikkut paasisimasalinnik toqqaasinnaatitaasut allattorsimaffiannik inuussutissarsiornermut siuariartormullu ministeri suliaqassaaq. Immikkut paasisimasallit siulittaasup aalajangiineratigut siunnersuisoqatigiit ataatsimiinneranni taasisinnaatitaanatik peqataasinnaapput. Taamaattorli siunnersuisoqatigiit

ataatsimiinneranni suliat ataasiakkaat sularineranni ilaasortamut ataatsimut immikkut paasisimasallit amerlanerpaamik marluk peqataasinnaapput.

*Imm. 6.* Savalimmiuni naalackersuisut aamma Kalaallit Nunaanni namminersorlutik oqartussat tamarmik immikkut immikkut paasisimasalimmik ataatsimik toqqaasinnaapput, siulittaasup aalajangiineratigut siunnersuisoqatigiit ataatsimiinneranni taasisinnaatitaanatik peqataasinnaasunik.

*Imm. 7.* (Kalaallit Nunaannut atulersinneqanngilaq)

*Imm. 8.* Suliani, pisortat ingerlatsineranni suliassat sularineqartarnerat pillugu inatsisartut inatsisaat malillugu peqataasunik tusarniaaffiusussani, peqataasunik tusarniaasinnaanermut aamma ilaapput aalajangiinissamut missingiutit.

*Imm. 9.* § 354, imm. 1, ilaasortanut kiisalu immikkut paasisimasalinnut atorneqarpoq. Oqaaseqatigiilli siulliit unneqqarissumik ingerlatsinikkut ileqqoqarnek aamma ajunngitsumik sulineq kiisalu akinik paasisutissiineq pillugu maleruagassanik atulersitsineq pillugu sulianik sularinninnermi atuutinnngillat.

*Imm. 10.* Siunnersuisoqatigiit nalinginnaasumik amerlanerussuteqarnikkut aalajangiisarput. Taasinerit amerlaqatigiinnerini siulittaasup taasinera aalajangiisuusaaq.

*Imm. 11.* Siunnersuisoqatigiit suleriaasertik nammineq aalajangissavaat, tassunga ilanngullugit siunnersuisoqatigiinnut sassarnissamut periarfissaq pillugu maleruagassat. Suleriaasissaq inuussutissarsiornermut siuariartornermullu ministerimit akuerineqassaaq.

*Imm. 12.* Siunnersuisoqatigiit imm. 2, nr. 1 aamma 3 malillugu piginnaatitaanertik Finanstilsynimut suliassanngortissinnaavaat.

**35.** § 347, imm. 6-mi, »§ 354, imm. 6, nr. 19 aamma 23« imatut allanngortinneqarpoq: »§ 354, imm. 6, nr. 20 aamma 24«.

**36.** § 354, imm. 1-mi, oqaaseqatigiit *sisamaattut* ikkunneqarpoq:

»Oqaaseqatigiit siulliit-pingajuat aamma Erhvervsstyrelsimi atorfilinnut atuuppoq, pappiaqqanik aningaasanik nalilinnik niuernerq il.il. pillugu inatsimmi, kunngip aalajangersagaatigut Kalaallit Nunaannut atulersinneqartumi paasisutissat § 83, imm. 2 aamma 3 malillugit sulianik naammassinnikkut ilisimalersimasut eqqarsaatigalugit.«

**37.** § 354, imm. 6, nr. 1, imatut oqaasertalernerqarpoq:

»1) Tamaat Isigalugu Mianersornartunut Siunnersuisoqatigiit.«

**38.** § 354, imm. 6, nr. 2-mi, »eqqartuussisutigoortumik sulissutigisitsineq« kingorna ikkunneqarpoq: »-sinnaasut«.

**39.** § 354, imm. 8-mi, »imm. 6, nr. 22« imatut allanngortinneqarpoq: »imm. 6, nr. 23«.

**40.** § 354, imm. 10-mi, »imm. 6, nr. 28« imatut allanngortinneqarpoq: »imm. 6, nr. 29«, aamma »imm. 6, nr. 29« imatut allanngortinneqarpoq: »imm. 6, nr. 30«.

**41.** § 354, imm. 11 aamma 12-mi, »imm. 6, nr. 23« imatut allanngortinneqarpoq: »imm. 6, nr. 24«.

**42.** § 354 a, imm. 1, atorunnaarsinneqarpoq, taarsiullugulu ikkunneqarluni:

»§ 345, imm. 2, nr. 1 naapertorlugu nakkutilliinermi suliffeqarfimmu qisuariarnerit, aamma Det Finansielle Rådimi aallartitaniit nakkutilliinermi qisuariarnerit suliffeqarfiup aqqa allallugu tamanut saqqummiunneqassapput, taamaattorli imm. 3 takujuk. Suliffeqarfiup paasisutissat nittartakkami pissusissamisoorumik inissaanni, piaarnerpaamik, kingusinnerpaamillu nakkutilliinermi qisuariarnek pillugu nalunaarummik suliffeqarfiup tigusaqarneraniit ullut suliffiusut pingasut kingorna tamanut saqqummiutissavai, imaluunniit kingusinnerpaamik pappiaqqanik aningaasanik nalilinnik niuernerq il.il. pillugu inatsit malillugu piumasarineqartoq tamanut saqqummiussinissamut piffissaliussami. Tamanut saqqummiussinerup peqatigisaanik attavissamik suliffeqarfiup nittartagaata saqqani erseqqissumi suliffeqarfik ikkussissaaq, nakkutilliinermi qisuariarnermut toqqaannartumik iserfiusinnaasumik, aamma atassutissamik tassungalugu atasumik oqaasertanik erseqqissumik takuneqarsinnaassalluni nakkutilliinermi qisuariarnek Finanstilsynimeersoq pineqartoq. Nakkutilliinermi qisuariarnermut suliffeqarfik oqaaseqaateqarsimappat, tamanna tamatuma nanginnerani pissaaq, oqaaseqaatillu nakkutilliinermi qisuariarnermiit erseqqissumik avissaarsimassallutik. Suliffeqarfiup nittartagaata

saqqaaniittup atassutip paasissutissallu peerneqarneri nalunaarutinut allanut suliffeqarfiup atugai tunngaviit assigalugit pissaaq, siusinnerpaamilli atassut paasissutissallu nittartakkami qaammatini pingasuni inissisimareerpata, siusinnerpaamillu ataatsimeersuarnerup imaluunniit sinniisut ataatsimiinnerisa siullit kingorna. Suliffeqarfiup nittartagaani paasissutissanik tamanut saqqummiussinissamut suliffeqarfiup pisussaaffia taamaallaat inatsisitigut pisinnaatitaasunut pisussaataitaasunullu atuuppoq. Finanstilsynip paasissutissat tilsynip nittartagaani tamanut saqqummiutissavai. § 345, imm. 2, nr. 3 naapertorlugu nakkutilliinermi qisuariarnerit, aamma suliat politiinik paasiniagassanngorlugit tunniussinissaq pillugu Finanstilsynip aalajangiinerit Finanstilsynip nittartagaani suliffeqarfiup aqqa allallugu tamanut saqqummiunneqassapput, taamaattorli imm. 3 takujuk.

*Imm. 2.* Suliaq politiinit paasiniagassanngorlugu tunniunneqarsimappat aamma tamakkiisumik ilaannakuusumilluunniit eqqartuussut oqaatigineqarsimappat imaluunniit akiliisitsineq akuerineqarsimappat, imaluunniit suliaq allaffeqarfikkut akiliisitseqqusinerup akuerineqarneratigut aalajangiiffigineqarsimappat, eqqartuussut, akiliisitseqqusinermik akuersineq imaluunniit tamatuma eqikkarnera tamanut saqqummiunneqassaaq, taamaattorli imm. 3 takujuk. Eqqartuussut inaarutaanngippat, imaluunniit suliareqqitassanngortinneqarsimappat imaluunniit naammagittaalliutigineqarsimappat, tamanna tamanut saqqummiussinermiit takuneqarsinnaassaaq. Suliffeqarfiup paasissutissat nittartakkami pissusissamisoortumik inissaanni, piaarnerpaamik, kingusinnerpaamillu eqqartuussut oqaatigineqarneraniit imaluunniit akiliisitsinerup akuerineqarneraniit ullut suliffiusut qulit kingorna tamanut saqqummiutissavaa, imaluunniit kingusinnerpaamik pappiaqqanik aningaasanik nalilinnik niuerneq il.il. pillugu inatsit, kunngip peqqussutaatigut Kalaallit Nunaannut atuutilersinneqartoq malillugu piumasarineqartoq tamanut saqqummiussinissamut piffissaliussami. Tamanut saqqummiussinermiit peqatigisaanik attavissamik suliffeqarfiup nittartagaata saqqaani erseqqissumi suiffeqarfik ikkussissaaq, eqqartuussummut oqaatigineqartumut imaluunniit akiliisitsinermik akuerineqartumut toqqaannartumik iserfusinnaasumik, aamma atassutissamik tassungalu atasumik oqaasertanik erseqqissumik takuneqarsinnaassalluni eqqartuussut imaluunniit akiliisitsineq akuerineqartoq Finanstilsynimeersoq pineqartoq. Eqqartuussummut oqaatigineqartumut imaluunniit akiliisitsinermiit akuerineqartumut imaluunniit eqikkakkamut suliffeqarfik oqaaseqaateqarsimappat, tamanna tamatuma nanginnerani pissaaq, oqaaseqaatillu nakkutilliinermi qisuariarnermiit erseqqissumik avissaarsimassallutik. Suliffeqarfiup nittartagaata saqqaaniittup atassutip paasissutissallu peerneqarneri nalunaarutinut allanut suliffeqarfiup atugai tunngaviit assigalugit pissaaq, siusinnerpaamilli atassut paasissutissallu nittartakkami qaammatini pingasuni inissisimareerpata, siusinnerpaamillu ataatsimeersuarnerup imaluunniit sinniisut ataatsimiinnerisa siullit kingorna. Tamanut saqqummiussineq pillugu suliffeqarfik Finanstilsynimut nalunaaruteqassaaq, tassunga ilanngullugu eqqartuussutip imaluunniit akiliisitsinerrup akuerineqarnerata assilineri. Tamatuma kingorna eqqartuussut, akiliisitsinissamut akuersineq imaluunniit tamatuminnaga eqikkaaneq nittartakkamini Finanstilsynip tamanut saqqummiutissavaa. Suliffeqarfiup nittartagaani paasissutissanik tamanut saqqummiussinissamut suliffeqarfiup pisussaaffia taamaallaat inatsisitigut pisinnaatitaasunut pisussaataitaasunullu atuuppoq.«

Imm. 2 aamma 3 matuma kingorna imm. 3 aamma 4-nngorput.

**43.** § 354 a, imm. 2, oqaaseqatigiinni siullerni, imm. 3, oqaaseqatigiit siullinngortuni »imm. 1« imatut allannngortinneqarpoq: »imm. 1 imaluunniit 2«.

**44.** § 354 a, imm. 3, imm. 4-nngortoq, imatut oqaasertalerneqarpoq:

»Imm. 4. Imm. 3, oqaaseqatigiit siullit naapertorlugit tamanut saqqummiussineq pinngitsoortinneqarsimappat imm. 1 imaluunniit 2 malillugu tamanut saqqummiussisoqassaaq, pinngitsoortitsinermiit pisariaqartitsilersut eqqarsaatigineqartut atuukkunnaarpata. Tamannali nakkutilliinermi qisuariarnermiit ullup kingorna ukiut marluk tikillugit atuuppoq.«

**45.** § 354 c-p kingorna ikkunneqarpoq:

»§ 354 d. Aningaasanik ingerlataqarneq pillugu aningaasanik ingerlataqartoq paasissutissanik ingerlatitseqqissimappat taakkulu innuttaasunit ilisimaneqalersimallutik, Finanstilsynip piffissaliussatut aalajangigaata iluani paasissutissanut naqqiutit tamanut saqqummiunneqassasut Finanstilsyni suliffeqarfimmuut peqqusinnaavoq



- 1) Finanstilsynip naliliinera malillugu paasissutissat eqqunngippata aamma
- 2) Finanstilsyni naliliippat paasissutissat suliffeqarfiup sullitaanut, aningaasaliisuinut, akiligassaqarfiinut allanut, aningaasanik niuerfennut, suliffeqarfimmi piginneqataassutit imaluunniit pappiarat aningaasanik nalillit suliffeqarfimmit atulersinneqartut niuerutigisimasaanni, imaluunniit nalinginnaasumik aningaasatigut patajaassutsimut ajoqusiisimasut.

*Imm. 2.* Finanstilsynip peqqussutaa naapertorlugu aamma piffissaliussap Finanstilsynip aalajangiinerata iluani paasissutissanik suliffeqarfik naqqiisimangippat, imm. 1 malillugu peqqusineq nalunaarutigineqartoq Finanstilsynimit tamanut saqqummiunneqarsinnaavoq.«

**46. § 355, imm. 3, oqaaseqatigiit aappaat,** imatut oqaasertalerneqarpoq:

»Tamanna aamma atorunnaarsitsinermi suliaqartumut, inuunermut sillimmasiiffiusunut aqutsisumut aamma obligationinut immikkut matussusiusunut pigisanik aqutsinermi aqutsisumut atuuppoq.«

**47. § 360, imm. 1-mi,** »Kammeradvokati« imatut allangortinneqarpoq: »advokatit«.

**48. § 360-mi imm. 3-tut** ikkunneqarpoq:

»Imm. 3. Suliassat, § 344, imm. 5 naapertorlugu akiliinikkut, Finanstilsynimit suliarineqartut, immikkut akiligassiisutiginetassapput aamma imm. 1 malillugu akitsuutinik akileeqqusinermut ilanngullugit naatsorsorneqarnatik.«

**49. § 361, imm. 1, nr. 22,** atorunnaarpoq.

Nr. 23-31 matuma kingorna nr. 22-30-nngorput.

**50.** (Kalaallit Nunaannut atulersinneqanngilaq)

**51. § 368, imm. 2-mi, oqaaseqatigiit aappaattut** ikkunneqarpoq:

»Akitsuutinik akiliinermi akitsuutinik naatsorsuineq tamarmiusoq utaqqineqassaaq.«

**52. § 368, imm. 4, nr. 3, oqaaseqatigiit pingajuat,** atorunnaarpoq.

**53. § 373, imm. 2-mi,** »§ 199, imm. 2 aamma 5,« kingorna ikkunneqarpoq: »§ 343 t, imm. 1,«.

**54. § 373, imm. 2-mi,** »§ 347 b, imm. 3 aamma 6,«kingorna ikkunneqarpoq: »§ 354 a, imm. 1, oqaaseqatigiit siullit-tallimaat, aamma imm. 2, oqaaseqatigiit siullit-arfineq aappaat,«.

**55. § 373, imm. 6, oqaaseqatigiit aappaanni,** »imaluunniit elektroniskimik aningaasalik atulersitsinerit« atorunnaarpoq.

**56. § 373, imm. 7, oqaaseqatigiit aappaanni,** »imaluunniit elektroniskimik aningaasalik atulersitsinerit« atorunnaarpoq.

**57. § 374, imm. 2,** imatut oqaasertalerneqarpoq:

»Imm. 2. § 347, imm. 3 aamma 4-p malitsigisaanik pisussaaffinnik inuk imaluunniit inatsisitigut pisussaaffeqartoq akisussaasorlu naammassinngippat pinngitsaaliinikkut inuk imaluunniit inatsisitigut pisussaaffeqartut akisussaasullu ullukkaartumik imaluunniit sapaatip akunnikkaartumik akiliisitsinnissaat Finanstilsynimit peqquneqarsinnaapput.«

**58. § 374, imm. 4-mi** immikkoortuni marlunni, »Fondsrådi« imatut allangortinneqarpoq:

»Finanstilsyni«.

**59. § 374, imm. 5-mi,** »Fondsrådimiit« imatut allangortinneqarpoq: »Finanstilsynimiit«, aamma »Fondsrådimut« imatut allangortinneqarpoq: »Finanstilsynimut, imm. 4 malillugu tilsynit suliassaanut naleqqiullugu«.

**60. § 374, imm. 6-mi,** »Fondsrådi Fondsrådip« imatut allangortinneqarpoq: »Finanstilsyni tilsynip«.

Aalajangersagaq ulloq x.xx 2015 atulersinneqarpoq.

---

<sup>1</sup> Aalajangersagaq imatut oqaasertaqarpoq: *Imm. 1.* §§ 1-5, 10-13 aamma 15 Savalimmiunut aamma Kalaallit Nunaannut atuutinngilaq, taamaattorli *imm. 2* aamma 3 naap. *Imm 2.* §§ 1-5, 10 aamma 13 kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atulersinneqarsinnaapput, Savalimmiuni aamma Kalaallit Nunaanni pissutsit naapertorlugit allannguuteqartillugit. Aalajangersakkat piffissani assigiinngitsuni atulersinneqarsinnaapput. *Imm. 3.* §§ 11 aamma 12 kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atulersinneqarsinnaapput, Savalimmiuni aamma Kalaallit Nunaanni pissutsit naapertorlugit allannguuteqartillugit. *Imm. 4.* (Ilanngunneqanngilaq)